



## ШИНЖЛЭХ УХААН, ТЕХНОЛОГИЙН ИХ СУРГУУЛИЙН УДИРДАХ ЗӨВЛӨЛИЙН ТОГТООЛ

2024 оны 05 сарын 17 өдөр

Дугаар 03

Улаанбаатар хот

### “Шинжлэх ухаан, технологийн их сургуулийн Удирдах зөвлөлийн дүрэм” батлах тухай

Монгол Улсын Боловсролын ерөнхий хуулийн 34 дүгээр зүйлийн 34.1, Дээд боловсролын тухай хуулийн 26 дугаар зүйлийн 26.1, 26.4 Боловсрол, шинжлэх ухаан ухааны сайдын 2024 оны 12 дугаар сарын 25-ны өдрийн А/576 дугаар тушаалаар батлагдсан "Дээд боловсролын сургалтын байгууллагын удирдах зөвлөлийн нийтлэг дүрэм", Шинжлэх ухаан, технологийн их сургуулийн Удирдах зөвлөлийн 2024 оны 05 дугаар сарын 17-ны өдрийн хурлын тэмдэглэлийг тус тус үндэслэн ТОГТООХ нь:

1. "Шинжлэх ухаан, технологийн их сургуулийн “Удирдах зөвлөлийн дүрэм”-ийг хавсралтаар баталсугай.
2. "Шинжлэх ухаан, технологийн их сургуулийн “Удирдах зөвлөлийн дүрэм”-ийг мөрдөж ажиллахыг зөвлөлийн гишүүдэд, биелэлтийг хангаж ажиллахыг Удирдах зөвлөлийн нарийн бичгийн даргад тус тус даалгасугай.
3. "Шинжлэх ухаан, технологийн их сургуулийн “Удирдах зөвлөлийн дүрэм” батлагдсантай холбогдуулан Шинжлэх ухаан, технологийн их сургуулийн Удирдах зөвлөлийн 2017 оны 01 дүгээр сарын 12-ны өдрийн 02 тоот тогтоолоор баталсан "Шинжлэх ухаан, технологийн их сургуулийн Удирдах зөвлөлийн дүрэм"-ийг хүчингүй болсонд тооцсугай.

ДАРГА



М.БАТГЭРЭЛ



Шинжлэх ухаан, технологийн их сургуулийн  
Удирдах зөвлөлийн 2024 оны 05 дугаар сарын 17  
өдрийн 03 дугаар тогтоолын хавсралт

## ШИНЖЛЭХ УХААН, ТЕХНОЛОГИЙН ИХ СУРГУУЛИЙН УДИРДАХ ЗӨВЛӨЛИЙН ДҮРЭМ

### Нэг. Нийтлэг үндэслэл

- 1.1. Шинжлэх ухаан, технологийн их сургууль /цаашид ШУТИС гэх/ нь эцсийн өмчлөгч буюу үүсгэн байгуулагч, тухайн сургуулийн багш, суралцагч, төгсөгч, ажил олгогчийн төлөөллөөс бүрдсэн Удирдах зөвлөлтэй байна.
- 1.2. Удирдах зөвлөл нь ШУТИС-ийн өөрийн удирдлагыг хэрэгжүүлж, их сургуулийг хөгжүүлэх бодлого, стратегийг тодорхойлох, үйл ажиллагааг удирдан чиглүүлэх, түүний хэрэгжилтэд хяналт тавих, үйл ажиллагаанд үнэлэлт дүгнэлт өгч, дэмжлэг туслалцаа үзүүлэхэд оршино.
- 1.3. Удирдах зөвлөл нь Монгол улсын үндсэн хууль, Боловсролын ерөнхий хууль, Дээд боловсролын тухай хууль, Шинжлэх ухаан технологийн тухай хууль, Инновацийн тухай хууль, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хууль болон холбогдох бусад хууль тогтоомж, төрөөс боловсролын талаар баримтлах бодлого, энэхүү дүрмийг үйл ажиллагаандаа баримтална.
- 1.4. Удирдах зөвлөл нь хууль ёсыг сахин дээдлэх, эрх тэгш, хариуцлагатай хамтран ажиллах, үйл ажиллагаандаа нээлттэй, ил тод байх, олон талын оролцоог хангах зарчмыг мөрдлөг болгоно.

### Хоёр. Удирдах зөвлөлийн бүтэц зохион байгуулалт

- 2.1. Удирдах зөвлөл нь дарга, дэд дарга, гишүүдээс бүрдсэн 15 хүний бүрэлдэхүүнтэй байна.
- 2.2. Удирдах зөвлөлд үүсгэн байгуулагчийн төлөөлөл найм, багшийн төлөөлөл гурав, төгсөгч, ажил олгогчийн төлөөлөл гурав, суралцагчийн төлөөлөл нэг байна.
- 2.3. ШУТИС-ийн удирдах зөвлөлийн үүсгэн байгуулагчийн төлөөллийг Монгол улсын Засгийн газар буюу Боловсролын асуудал эрхэлсэн төрийн захиргааны төв байгууллагын шийдвэрээр томилно.
- 2.4. Удирдах зөвлөл дэх багшийн төлөөллийг ШУТИС-ийн бүрэлдэхүүн, салбар сургууль тус бүрийн нийт багш нарын 50-иас доошгүй хувийн ирцтэй хурлаас нэр дэвшүүлсэн төлөөллөөс Сонгох хороогоор дамжуулан сонгоно.
- 2.5. Сонгох хорооны бүрэлдэхүүн, үйл ажиллагааны удирдамжийг ШУТИС-ийн Ректорын тушаалаар батална.
- 2.6. Удирдах зөвлөлийн багшийн төлөөллийн нэг нь ШУТИС-ийн үйлдвэрчний эвлэлийн нэгдсэн хорооны төлөөлөл байх бөгөөд төлөөлөх байгууллагын хурлаас сонгогдоно.



- 2.7. ШУТИС-ийн удирдах зөвлөл дэх суралцагч, төгсөгч, ажил олгогчийн төлөөллийг тэдгээрийг төлөөлөх байгууллагын хурлаар тус тус сонгоно.

**Гурав. Удирдах зөвлөлийн даргыг сонгох, гишүүнээр ажиллах, гишүүний бүрэн эрхийн хугацаа дуусгавар болгох, эгүүлэн татах үйл ажиллагаа**

- 3.1. Удирдах зөвлөлийн дарга, дэд даргыг нийт гишүүдийн 51-ээс дээш хувийн саналаар сонгоно. Удирдах зөвлөлийн даргыг сонгоход үүсгэн байгуулагч санал өгч болно.
- 3.2. Удирдах зөвлөлийн гишүүнээр удирдан манлайлах чадвартай, ёс зүйн зөрчил гаргаж байгаагүй хүнийг гурван жилийн хугацаагаар томилох буюу сонгоно.
- 3.3. Удирдах зөвлөлийн нарийн бичгийн дарга нь ШУТИС-ийн захиргааны холбогдох нэгжийн удирдлага байна. Нарийн бичгийн даргыг ШУТИС-ийн Ректортой зөвшилцөн, удирдах зөвлөлийн хуралдаанаар хэлэлцэн томилно. Нарийн бичгийн дарга нь удирдах зөвлөлийн хуралд саналын эрхгүй оролцоно.
- 3.4. Доор дурдсан тохиолдолд удирдах зөвлөлийн дарга, гишүүнээс хугацаанаас нь өмнө чөлөөлнө:
- 3.4.1. өөрийн хүсэлтээр;
  - 3.4.2. үүсгэн байгуулагчийн шийдвэрээр;
  - 3.4.3. өвчний улмаас болон бусад хүндэтгэх шалтгаанаар үүрэгт ажлаа гүйцэтгэх боломжгүй болсон.
- 3.5. Доор дурдсан тохиолдолд удирдах зөвлөлийн дарга, гишүүнээс хугацаанаас нь өмнө эгүүлэн татна:
- 3.5.1. ёс зүйн зөрчил гаргасан нь эрх бүхий этгээдийн дүгнэлт, шийдвэрээр тогтоогдсон;
  - 3.5.2. удирдах зөвлөлийн дарга, гишүүн "Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хууль"-г зөрчсөн нь тогтоогдсон.
- 3.6. Энэхүү дүрмийн 3.4, 3.5-д заасан үндэслэлээр чөлөөлөгдсөн болон эгүүлэн татагдсан гишүүнийг энэ дүрмийн 2.3, 2.4, 2.6, 2.7-т заасны дагуу нөхөн томилох буюу сонгоно.
- 3.7. Энэхүү дүрмийн 3.4, 3.5-д заасны дагуу чөлөөлөгдсөн, эгүүлэн татагдсан дарга, гишүүний бүрэн эрхийн хугацаа өмнөх гишүүний бүрэн эрхийн хугацааны үлдсэн хугацаатай адил байна.
- 3.8. Удирдах зөвлөлийн дарга, гишүүн тухайн жилд удирдах зөвлөлийн хуралд хоёроос дээш удаа хүндэтгэн үзэх шалтгаангүйгээр оролцоогүй тохиолдолд томилсон, сонгосон этгээд удирдах зөвлөлөөс эгүүлэн татаж болно.

**Дөрөв. Удирдах зөвлөлийн үйл ажиллагаа**



Шинжлэх ухаан, технологийн их сургуулийн  
Удирдах зөвлөлийн 2024 оны 05 дугаар сарын 17  
өдрийн 03 дугаар тогтоолын хавсралт

- 4.1. Удирдах зөвлөл нь дараах чиг үүргийг хэрэгжүүлнэ:
- 4.1.1. холбогдох хууль тогтоомжид заасны дагуу их сургуулийг хөгжүүлэх урт, дунд, богино хугацааны бодлого, төлөвлөгөө, дүрэм, журам, хөтөлбөрийг батлах, еерчлөх;
  - 4.1.2. их сургуулийн бүтэц, зохион байгуулалт, хөрөнгө оруулалт, тухайн жилийн төсөвийг баталж, зарцуулалтад хяналт тавих;
  - 4.1.3. аж ахуйн нэгж, байгууллага, иргэдээс хандив, тусламж авах журам тогтоох, зарцуулалтад хяналт тавих;
  - 4.1.4. сургалтын төлбөр, оюутны үйлчилгээний зардал, дотуур байрны үйлчилгээний төлбөрийн хэмжээг зохих журмын дагуу төрөөс хараат бусаар тогтоох;
  - 4.1.5. оюутан элсүүлэх элсэлтийн хяналтын тоог батлах;
  - 4.1.6. их сургуулийн үйл ажиллагааны тайлан хэлэлцэх, үнэлэлт, дүгнэлт өгөх;
  - 4.1.7. удирдах зөвлөлийн үйл ажиллагааны жилийн тайлан, их сургуулийн үйл ажиллагааны тайланд хийсэн дүгнэлтийг үүсгэн байгуулагчид танилцуулах;
  - 4.1.8. нээлттэй сонгон шалгаруулалтын дүнг үндэслэн ШУТИС-ийн Ректорыг 5 жилийн хугацаагаар томилж, гэрээ байгуулах, хуульд заасан үндэслэлээр чөлөөлөх;
  - 4.1.9. ШУТИС-ийн Ректорын ажлын үр дүнг үнэлэх, гэрээ дүгнэх журмыг батлах, еерчлөх;
  - 4.1.10. ШУТИС-ийн Ректорын гэрээг жил бүр дүгнэж, үр дүнд үндэслэн сунгах эсэхийг шийдвэрлэх;
  - 4.1.11. дээд боловсролын үндэсний зөвлөлөөс гаргасан зөвлөмж, шийдвэрийг хэрэгжүүлэх, үр дүнг тайлагнах.
- 4.2. Удирдах зөвлөл нь үйл ажиллагаандаа туслах үүрэг бүхий орон тооны бус ажлын хэсэг байгуулан ажиллуулж болно
- 4.3. Удирдах зөвлөл Боловсролын ерөнхий хуулийн 33.2-т заасан шаардлагыг баримтлан ШУТИС-ийн Ректорын албан тушаалын (ажлын байрны) тодорхойлолтыг батална.
- 4.4. Удирдах зөвлөлийн дарга, гишүүн "Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хууль"-д заасны дагуу ашиг сонирхлын зөрчилгүй гэдгээ илэрхийлсэн мэдэгдлийг тухай бүр гаргана.
- 4.5. Удирдах зөвлөлийн үйл ажиллагааны үндсэн хэлбэр нь хурал байна. Хуралд нийт гишүүдийн 60-аас доошгүй хувийн ирцтэй байх тохиолдолд хурлыг хүчинтэйд тооцож, хэлэлцсэн асуудлаар олонхын саналаар шийдвэр /тогтоол/ гаргаж, тэмдэглэл хөтөлнө. Удирдах зөвлөлийн дарга тогтоолд гарын үсэг зурж, сургуулийн тамга дарж баталгаажуулна.
- 4.6. Удирдах зөвлөлийн ээлжит хурлыг жилд хоёроос доошгүй удаа зохион байгуулна. Ээлжит бус хурлыг үүсгэн байгуулагч, удирдах зөвлөлийн дарга болон гурваас доошгүй гишүүний саналаар хуралдуулж болно.
- 4.7. Хүндэтгэх шалтгаанаар оролцох хуралд боломжгүй гишүүн хэлэлцэж шийдвэрлэх асуудлын талаарх саналаа урьдчилан бичгээр буюу цахим шуудангаар өгч болох бөгөөд энэ тохиолдолд хуралд оролцсонд тооцно.



Шинжлэх ухаан, технологийн их сургуулийн  
Удирдах зөвлөлийн 2024 оны 05 дугаар сарын 17  
өдрийн 03 дугаар тогтоолын хавсралт

- 4.8. Хүндэтгэх шалтгаанаар оролцох хуралд биеэр оролцох боломжгүй гишүүн зайнаас цахимаар оролцож болох бөгөөд энэ тохиолдолд хуралд оролцуулах техникийн нөхцөлийг хангасан байна.
- 4.9. Удирдах зөвлөлийн дарга удирдах зөвлөлийн хурлыг хурал болохоос ажлын гурваас доошгүй хоногийн өмнө товлон. Удирдах зөвлөлийн нарийн бичгийн дарга тухайн хуралд хэлэлцэн шийдвэрлэх асуудалтай холбогдох материалыг гишүүдэд цахим шуудангаар, эсвэл хэвлэмэл байдлаар хүргүүлнэ.
- 4.10. ШУТИС-ийн ректор, проректор, холбогдох нэгжийн удирдлага, харьяалах байгууллагын захирал болон багш, ажилтан, суралцагчийн төлөөллийг удирдах зөвлөлийн хуралдаанд оролцуулан хэлэлцэж байгаа асуудалтай холбогдуулан тайлбар, санал, хүсэлтийг авч болно.
- 4.11. Удирдах зөвлөлийн даргын эрх, үүрэг:
  - 4.11.1. удирдах зөвлөлийг хуралдуулах хугацаа, хэлэлцэх асуудлыг ШУТИС-ийн Ректортой тохиролцон хуралдуулах;
  - 4.11.2. удирдах зөвлөлийн хурлыг удирдах, гарсан шийдвэрийг батлах;
  - 4.11.3. удирдах зөвлөлөөс гаргасан шийдвэрийн хэрэгжилтэд хяналт тавих;
  - 4.11.4. удирдах зөвлөлийн гишүүдийн хуралдааны ирц, оролцооны талаарх мэдээллийг томилсон буюу сонгосон байгууллагад мэдэгдэх;
  - 4.11.5. удирдах зөвлөлийн гишүүдэд үүрэг даалгавар өгч, ажил үүргийн хуваарь гарган хариуцуулах, биелэлтийг хангуулах;
  - 4.11.6. удирдах зөвлөлөөс томилсон ажлын хэсгийн бүрэлдэхүүн, түүний ажлын чиглэлийг тогтоох, төлөвлөгөөг батлах, гүйцэтгэлд нь хяналт тавих;
  - 4.11.7. ШУТИС-ийн Ректорын болон их сургуулийн үйл ажиллагаанд чиглэл өгөх;
  - 4.11.8. үүсгэн байгуулагчийн бодлого, шийдвэрийг тайлбарлах, сурталчлах ажлыг зохион байгуулах;
  - 4.11.9. Боловсролын асуудал эрхэлсэн засгийн газрын гишүүнээс шилжүүлсэн эрх, бусад хууль, тогтоомж, журмын хүрээнд их сургуулийн Ректортой холбогдох асуудлаар (албан томилолтоор ажиллуулах, ажлын чөлөө, эзлжийн амралт олгох болон бусад) шийдвэр, тушаал гаргах.
- 4.12. Удирдах зөвлөлийн гишүүний эрх, үүрэг:
  - 4.12.1. удирдах зөвлөлийн хуралд оролцож, хэлэлцүүлж буй асуудалтай холбогдуулан санал хэлэх, асуудал хэлэлцүүлэх;
  - 4.12.2. ашиг сонирхлын зөрчилтэй гэдгийг илэрхийлэн тухайн асуудал хэлэлцэхэд оролцохоос татгалзах;
  - 4.12.3. удирдах зөвлөлийн хурлын дэгийг баримтлах;
  - 4.12.4. удирдах зөвлөлийн шийдвэр болон даргын өгсөн үүрэг даалгаврыг хугацаанд нь чанартай гүйцэтгэх, танилцуулах;
  - 4.12.5. их сургуулийн үйл ажиллагаатай холбоотой мэдээ мэдээлэл гаргуулах, боловсруулан гаргаж буй аливаа баримт бичиг, төсөл, төлөвлөгөө, тайлантай танилцах;
  - 4.12.6. удирдах зөвлөлөөс гаргасан шийдвэрийг хэрэгжүүлэхтэй холбоотойгоор холбогдох хүмүүст шаардлага тавих, тайлбар гаргуулах;



Шинжлэх ухаан, технологийн их сургуулийн  
Удирдах зөвлөлийн 2024 оны 05 дугаар сарын 17  
өдрийн 03 дугаар тогтоолын хавсралт

- 4.12.7. их сургуулийн нэр хүндийг өсгөх, санхүүжилтийн эх үүсвэрийг нэмэгдүүлэх ажилд идэвх санаачилгатай оролцох;
- 4.12.8. их сургуулийг хөгжүүлэх талаар гарсан бодлого, шийдвэрийг хэрэгжүүлэхэд дэмжлэг, туслалцаа үзүүлэх;
- 4.13. Удирдах зөвлөлийн дарга, гишүүн нь их сургуулийн сургалт, судалгааны үйл ажиллагаа (суралцагч элсүүлэх, суралцагчийн дүнг гаргуулах, хөрөнгө оруулалтын хэлэлцээ хийх, гэрээ байгуулах, г.м)-нд хөндлөнгөөс нөлөөлөхгүй.

#### Тав. Бусад зүйл

- 5.1. Удирдах зөвлөл нь хуулийн этгээдийн эрхгүй.
- 5.2. Удирдах зөвлөл тогтоол, тэмдэглэлийн хэвлэмэл хуудас хэрэглэнэ. Удирдах зөвлөлийн албан бичигт их сургуулийн албан тамгыг хэрэглэнэ.
- 5.3. Удирдах зөвлөлийн үйл ажиллагаанд холбогдон гарах зардлыг их сургуулийн тухайн жилийн төсөвт тусган зарцуулна.
- 5.4. Энэхүү дүрмийн 5.3-т заасан зардлаас удирдах зөвлөлийн дарга, дэд дарга, нарийн бичгийн дарга, гишүүдэд зөвлөлийн үйл ажиллагаанд оролцсон ирц, оролцоонд тохирсон урамшууллыг олгоно.

---oOo---